

咸同廣陵史稿

卷下

咸同廣陵史稿卷下

咸豐乙卯

正月初一日初二日將軍喚奈何各營戒嚴

初五日城內訛傳賊進北門四民驚慌

初旬外聞吉爾杭阿收復上海高唐賊於元旦
子初鑿城數十缺穿而出撲近大營營兵鎗砲
齊施賊不能進日旣出見血跡滿路連鎮賊有
詐降者當卽就戮僧王出示嗣後賊降須帶長

髮賊之首級以爲憑信

中旬後雷某出示凡勸捐員董不無勒索侵銷
今一概撤回再爲核奪等因泰州人惡大營員
董制藝諷之截錄坐鎮已久矣差遣猶需人也
同鄉有人同局有人同營又有人粘親搭故有
委則稱員焉卑職等小心妥辦庶幾擢異高官
團練旣勤矣捐輸更宜急也薪水出其中舟車
出其中夤緣更出其中倚勢欺人何事不可爲

焉爾小民倘敢抗違立卽從嚴治罪一時之風氣競尙官場大廷之中體面所存該長班其知所以款式哉白簡紅單到處無非名帖一則曰拜會再則曰候安有不承者惟里胥是責焉上命而無違也藩憲札諭運憲札諭道憲札諭噴噴焉京腔滿口直超乎老公祖老父臺而上特著威光一代之功名多由賞給開局以來勤勞素著本部堂豈無所以鼓勵哉朱提黃帑解撥

藉有專司層色必需增大耗不可減能急公者
惟成例是援焉頭銜而報最也九品軍功八品
軍功六品軍功皇皇乎得勝盈頭混充於銀八
折錢八折之條漫高聲價噫四民之逃匿維艱
而忍令以有限脂膏消磨於心腹難平之患百
計之誅求雖刻而徒使以易窮精血侵蝕於爪
牙無厭之私

二十三四日瓜洲賊陸續至沙頭約千餘人不

裹紅巾不拖長髮著小民服色行止逡巡洲民
未遑辨也轉瞬間胡哨一聲拔短利刃於腰插
小紅旗於項鳴鑼放砲肆掠江洲廿餘里生虜
居民數千名中鎗著刃尤多淹溺不可悉數賊
鋒惡厲數日不退卽食宿於洲圍大戶之家意
欲竄擾仙女廟宜陵鎮之下游遽窺通泰幸大
橋團勇率沙洲以下之民截其去路大兵亦稍
稍挪至二十九日賊回巢穴兵始由沙頭立營

蓋托乘琦善因循之氣不能振作三軍雷日事
捐輸慧尙標勁陳金綬頗思効力而子亡無功
徒深抑鬱德某等卽驥勇而無善用之人故屢
敗北或云晦氣纍堆託不得又云未足爲奇原
是鬼而今所託又非人

二月初四日沙頭以下佛感等洲被虜之難民
有逃回者傳述賊繫千餘人解至鎮江僞官云
不帶糧來虜妖蛆何爲因牽虜之壯者於庭烙

火鐵勒腦箍追拷各營虛實不供固死供亦死半日死數百人未死者推溺於江

初五日知府劉訪知籌防局郭少卿等斂重費不辦實功以致四民嗟怨店舗閉歇特出嚴示將籌防等局盡撤之

初九日文憲摘甘泉縣謝某印印以實授泰州知州許道生權署之

初旬聞僧王克復連鎮並收錄疊次投降之賊

二千名飛章出 奏

皇上淮行

初旬外聞正月中旬高唐營大砲被奸細扭轉
砲門打斃營兵千餘名勝保拏問

二月二十九日寅刻瓜洲賊三四千名直趨毛
營打先鋒者千餘人營兵裝束惑毛營弁兵之
心目也時漆黑莫辨毛營連開大砲賊先鋒倒
戈而退忽大雷雨電光閃爍賊之後隊見不裏

巾而疾走之人疑是營兵追奔頓開鎗放箭對
面賊雖有暗號而雨大不聞是以賊之後隊掩
殺賊之先鋒先鋒明知後隊是同人而鎗箭無
情急需架格架格不住反而攻之昏夜傾盆以
賊殺賊迨黎明後知紅頭死千餘名洵天殛之
也二汊河一帶居民奉毛如神

三月初二三日劉太守在城圍勇城內共三十
八舖每舖一團團有長持大旗團長下甲長率

勇一百十人持小旗旗皆白堂紅鑲邊後改爲皂旗取以水制火之意旗上寫齊心殺賊四字通其計團勇四千餘人人各持竹槍一枝繞城演行雖未有訓練之實功而聲勢甚赫

初五六日前揚州府張廷瑞委董諭各鄉鎮彷城內團練之法旬日以來方圓三四百里挨門逐戶無不挿齊心殺賊之旗亦堅壁之一務也初六日薩大人由高唐帶兵二千名至托營托

命薩屯札沙頭揚州民心稍定而城外猶瓦礫
場也附錄蕪城遠眺四首

龍宮鶯嶺鬱岩堯頃刻咸陽一炬焦大士寶
幢荒戍掩梵王金屋戰場銷踏翻琳砌紅巾

瘞耕破蕪塍翠羽飄

寇去時翎鼎拋荒田

多少樓臺留

瓦礫北風無樹亦蕭蕭西來妖氣蠹煙霞傾
蕩蕪城十萬家荒路渺無驚吠犬女牆飛不
到啼鴉一泓碧血穿渠遠千點寒燐掩日斜

到此那堪成野哭淮東從古說繁華莫向江
東問竹西竹西烟水太淒淒杜鵑不喚離人
返春燕難尋野樹栖舊雨隔年形盡變家山
何處路都迷桃花岡外觀音嶺剩有殘碑枕
廢犁兵氣難消鬱氣騰濃雲淡靄易黃昏西
風故壘驚沙起落日殘旗病馬屯十里苔花
纏廢井幾家茅屋作新村臨江猶是征鼙急

肯遣憂心入北門

十城僅開北門

初旬內劉太守命一團集勇一百十一名自曉
扛竹鎗持齊心殺賊旗遍行新舊城至更鼓後
詣府轅繳鎗領飯食二十文扣費一文次日輪
第二團遇而復始藉以防賊

初旬瓜洲賊一千餘人駛至佛感等洲將大業
之高堅屋宇盡拆毀

初旬聞慧誠參奏糧臺大員越分保舉並
奏托明阿忠介勇敢公正不阿托明阿奏糧

臺文煜保舉李樹穀俱被

申飭

十三日復聞

皇上命慧誠來京雷以誠不得獨奏須與托

明阿聯銜會奏

十四日前甘泉縣梁元棟進策由沙頭至八里舖約二三十里築長土城禦瓜洲賊托雷許之特委知府辦理府諭各鄉鎮董事亟於每鄉鎮

齊集百夫應差如此鎮不願出夫須出米一百
担以爲應差之飯食應差約需若干人築城約
需若干時折飯約需若干錢大營無定數也夫
之集也果否遐邇皆然糧之輸也是何升斗交
給色之折也曾有米樣爲憑鄉鎮不敢問也勞
民傷財供董事之侵蝕而已

二十一日探條述賊首楊秀清七竅流血死後
又聞此信不確

二十二日兵衛役夫由沙頭一帶築長土城未
移時賊猝至兵先奔役夫行之緩者俱被賊虜
去計其一百餘名

廿旬外慧誠雖去雷但不悛運司郭不近人情
每早派官太太九文買餅作點心官太太忽要
買粽子不遵九扣多支一文郭知之掌責官太
太嘴頭兩下他事類此且於運商則勒課於場
商則抽斤國務民情俱皆不辨時人醜之因